


# Bibel fa Kjinja brinj't junt

## Jesaja kjikjt em Verut



Jeschräwen von: Edward Hughes  
Jemolt von: Jonathan Hay

Äwasat von: Ed Zacharias  
Toom Paus jestalt von: Mary-Anne S.

De 27. Jeschicht von 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch


Low German

Jesaja wia een Profeet.  
Hee säd de Menschen  
waut Gott  
säd.




1

De Lied wullen nich emma Gott sien Wuat hieren,  
oba Jesaja wia tru to Gott. Jesaja läwd en de  
Tiet von vea  
veschiedne  
Kjennichs.



2

De Kjennich Usija wond en Jerusalem un rejieed äwa daut Launt Juda. Aum Aunfank deed Usija waut rajcht wia ver Gott, un Gott säajend am. Dan wort Usija stolt, un wia Gott nich emma jehuarsom. Hee kjrieech de Lepra Krankheit un must auleen wonen bat hee storf.



3

Usija wia de Kjennich fa äwa 60 Joa. Aus hee storf, naum sien Sän Jotam siene Städ, un rejieed 17 Joa. Gott säajend Jotam wiels hee horcht no waut Gott derch Jesaja un aundre Profeeten säd.



4

Jotam haud een Sän Ahas. Ahas wort Kjennich aus hee 20 Joa oolt wia, un rejieed 16 Joa en Jerusalem. Ahas jehorcht Gott nich. Hee, un väle von Gott sien Volkj, deenden Aufjetta un Jetzen.




5

Jesaja woarnd am wäajen waut Gott säd, oba Ahas horcht doa nich no. Ahas storf aus hee mau 35 Joa oolt wia.



6

Gott säajend dän näakjsten Kjennich, Hiskia, wiels hee de Aufjetta un Jetzen wajch-naum. Hee jehorcht dän woaren Gott. Aus een Fient met siene Armee jäajen Juda kjeem, wist Hiskia daut siene ieejne Armee kunn dee nich auf-wäaren. Hee säd Jesaja sull Gott no Help froagen.



7

Jesaja schekjt dise Norecht nom Kjennich. "Dit es waut de HAR sajcht: Enjst die nich fa disen Fient. Ekj woa am loten doljeschloagen woaren." Un boolt muak Gott de Armee sikj trigj-trakjen onen eenen Kjrigh.



8

De Menschen  
rom am  
dochten  
nich väl aun  
Gott, oba  
Jesaja  
docht väl  
aun am.



Een Dach kjrieech  
hee eene Vision,  
een bät soo aus  
een Droom wan  
eena nich schlapt.  
En de Vision sach  
Jesaja woo  
harlich un  
heilich  
de HAR  
es.

9

"Wäm saul ekj  
schekjen?" fruach  
Gott en de Vision. Un  
Jesaja säd, "Ekj sie hia.  
Schekj mie." Hee wia  
wellich to doonen waut  
Gott haben wull, un  
doahan to gonen wua  
Gott daut haben wull.



10


Veleicht docht Jesaja daut Gott am wudd  
wiet auf schekjen, no soone dee nich von  
Gott wisten. Oba nä, nich no dee. Gott säd  
Jesaja sull to sien Volkj en sien Launt räden.

Hee sull an sajen  
daut Gott doll  
wia äwa äare  
Sind.




11

Jesaja sull siene Menschen uk noch aundre Dinja  
sajen, sea scheene Norecht von eenem dee an raden  
wudd von äare Sinden un  
vom Fient.




12

Juden nanen däm Mensch "Messias." See jleewden  
daut Messias komen wudd, oba läwden aus wan see  
am nich trafen  
wudden.



13

Aules waut Jesaja vom  
Messias säd sent  
en sien Buak  
doljeschräwen.  
Wan hee dee  
uk hundade Joa  
em verut säd,  
sent dee aula  
soo jeworden.



14

Jesaja säd daut Gott wudd de Menschen een Tieekjen jäwen. Hee säd,


"Kjikjt emol. Eene junge Fru woat eenen Sän haben un woat am Immanuel nanen." De Lied wisten daut Jesaja vom Messias räd;

de Nomen Immanuel meent "Gott met ons."



15

"Ons es een Kjint jebuaren, wie haben eenen Sän jekjräajen, un hee haft daut rajcht to rejieren. Hee woat de wundaboara Rotjäwa, de majchtja Gott, de eewja Voda, un de Frädensprins jenant woaren." Jesaja wia sikj soo secha daut Gott sien Vespräakjen hoolen wudd, daut hee soo räd aus wan daut aul jeworden wia. Soo profezeid hee.



16

Jesaja säd de Messias wudd sea wichtich sennen un wundaboaret doonen. Gott säd Jesaja daut de Messias wudd lieden un doot jemoakt woaren.

Daut es toom staunen daut dee beides wichtich un stoakj wudd sennen un uk schwak un velatst. Jesaja haud een grootet Vetruen en Gott, un säd waut Gott am oppjeef. Gott wudd doano seenen daut daut aula utkjeem.



17

De Messias wudd komen, un nich blooss fa de Juden. Gott säd Jesaja, daut de Messias wudd "een Licht fa de Velkja" sennen. Nich blooss een Volkj, oba aule Velkja. Gott es aulem goot, un sien Messias wudd komen toom Menschen oppe gaunse Teed säajnen un dee raden.



18

Jesaja kijikt em Verut

Eene Jeschicht von en daut Wuat Gottes, de Bibel

finjt eena en

Jesaja 1, 6, 7, 9, 53

"Wan dien Wuat openboat woat, jeft daut Licht." Psalm 119:130

**Gott weet** daut wie schlaichtet jedonen haben, waut hee Sind nant. De Strof fa Sind es de Doot.

**Gott es ons soo goot** daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

**Wan du von diene Sinden west wajchdreien**, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johannes 3:16

**Lass de Bibel un räd jieda Dach met Gott!**

